



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 412  
fax. +387 33 726 414  
e – mail: [info@voda.ba](mailto:info@voda.ba)

Broj: **UP-1/21-1-40-200-2/22**

Datum: **09.05.2022. god.**

«Agencija za vodno područje rijeke Save» Sarajevo rješavajući po zahtjevu Općine Trnovo, prosljeđenom od strane Ministarstva privrede Kantona Sarajevo na nadležno postupanje, za izdavanje prethodne vodne saglasnosti za aktivnost uređenja korita rijeke Željeznice, na osnovu člana 218. stav (2) Zakona o upravnom postupku («Službene novine Federacije BiH», broj 2/98, 48/99), **donosi**

## **ZAKLJUČAK**

1. Odbacuje se zahtjev Općine Trnovo, u postupku izdavanja prethodne vodne saglasnosti za uređenje dijela korita rijeke Željeznice na dionici od sjedišta Općine Trnovo nizvodno do naselja Ilovice, kao neosnovan.

## **Obrazloženje**

Ministarstvo privrede Kantona Sarajevo dostavilo je na nadležno postupanje, dana 26.04.2022. godine, zahtjev Općine Trnovo broj: UP-1 02/2-19-307/22 od 07.04.2022. godine za izdavanje „saglasnosti za uređenje dijela korita rijeke Željeznice“, općina Trnovo.

U prilogu zahtjeva dostavljena je sljedeća dokumentacija:

- Kopija Rješenja o urbanističkoj saglasnosti br: UP-1 22/2-19-307/22 od 22.03.2022. godine, za obezbjeđenje proticajnog profila rijeke Željeznice na potezu od sjedišta općine Trnovo nizvodno do naselja Ilovice, izdata od strane Općine Trnovo;
- Kopija katastarskog plana R 1:7000 UR BROJ: 02/3-26-1061-2022-10 od 21.03.2022. Općina Trnovo (kopija);
- Kopija katastarskog plana R 1:5000 UR BROJ: 02/3-26-1061-2022-3 od 21.03.2022. Općina Trnovo (kopija);
- Kopija katastarskog plana R 1:2500 UR BROJ: 02/3-26-1061-2022-4 od 21.03.2022. Općina Trnovo (kopija);
- Kopija katastarskog plana R 1:2500 UR BROJ: 02/3-26-1061-2022-6 od 21.03.2022. Općina Trnovo (kopija);
- Kopija katastarskog plana R 1:2500 UR BROJ: 02/3-26-1061-2022-5 od 21.03.2022. Općina Trnovo (kopija);
- Zemljišnoknjižni izvadak broj: 26116/22, ZK uložak broj: 353, KO: Trnovo, Općinski Sud u Sarajevu, 22.03.2022. godine (kopija);
- Zemljišnoknjižni izvadak broj: 26115/22, ZK uložak broj: 153, KO: Ilovice, Općinski Sud u Sarajevu, 22.03.2022. godine (kopija);
- „Elaborat: „Obezbjeđenje proticajnog profila rijeke Željeznice na potezu od sjedišta Općine Trnovo, pa nizvodno do naselje Ilovice, u dužini od cca 4,5 km“, urađena od strane „Es Hydrotechnics“ d.o.o. Sarajevo, decembar 2021. godine (u elektronskoj formi – CD).

Nakon izvršenog uvida u priloženu dokumentaciju i sadržaj zahtjeva utvrđeno je da se predmetni zahtjev odnosi na izdavanje saglasnosti za aktivnost uređenja korita rijeke Željeznice u smislu Zakona o slatkovodnom ribarstvu, obzirom da ne postoji pravno lice koje upravlja i vrši nadzor na ribolovnom području rijeke Željeznice.

«Agencija za vodno područje rijeke Save» Sarajevo nije nadležna za davanje saglasnosti u smislu Zakona o slatkovodnom ribarstvu na radove koji će se provesti u sklopu uređenja korita rijeke Željeznice, a uslove pod kojima se ti radovi provoditi biće propisani kroz vodnu saglasnost uvažavajući termine za provođenje radova i druge uslove koje korisnik ribolovnog prava na ovom ribolovnom području bude tražio, ukoliko neko pravno lice, udruženje ili organizacija raspolaže tim pravom.

Za aktivnost uređenja - čišćenja korita rijeke Željeznice na potezu od sjedišta Općine Trnovo pa nizvodno do naselja Ilovice, po zahtjevu «Agencije za vodno područje rijeke Save» Sarajevo podnesenom putem „Sektora za realizaciju investicionih projekata“, doneseno je rješenje o prethodnoj vodnoj saglasnosti broj: UP-1/21-1-40-140-4/22 dana 06.05.2022. godine.

U skladu sa navedenim, a prema članu 139. stav (1) Zakona o vodama konstatovano je da za navedenu aktivnost nije propisana obaveza pribavljanja vodnih akata od strane ove Agencije, te je shodno članu 218. Zakona o upravnom postupku («Službene novine Federacije BiH», broj 2/98, 48/99) riješeno kao u dispozitivu ovog zaključka.



**Uputa o pravnom lijeku:**

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka  
Nihad Pezo, dipl.inž.građ.

**Po ovlaštenju  
Rukovodilac sektora za izdavanje  
vodnih akata**

  
  
**Haris Ališehović, dipl.inž.građ.**

**Dostaviti:**

- Općina Trnovo, Trnovo bb., 71223 Delijaš
- Ministarstvo privrede Kantona Sarajevo, Reisa Dž. Čauševića 1, 71000 Sarajevo
- AVP Sava, ISV-vodna knjiga
- ⊖ Sektor 40 – arhiva
- Oglasna ploča – AVP Sava